

Communicaziun a las medias

36avel Top Pop Rumantsch – Return d’in passiunà

Cuira, 05-03-2014 – **Il 36avel Top Pop Rumantsch ans lascha re-udir l’anteriur chantadur dals Passiunai, Curdin Brugger da Sedrun. Il nov Top Pop Rumantsch porta il titel «Fidonza» e vegn preschentà per l’emprima giada ussa venderdi, ils 07-03-2014 tranter las 08:00 – 09:00 al Radio Rumantsch.**



Avant var 15 onns fascheva Curdin Brugger anc part dals Passiunai, la fitg populara gruppa tuatschina. Cun l'emigraziun da Pascal Gamboni en Engalterra ha però quest chapitel da rock rumantsch prendì ina fin. Curdin s'ha lura deditgà en emprima lingia a famiglia e fatschenta, surpigliond a Sedrun il hotel dals geniturs. Ma la musica n'ha el betg laschè d'ina vart. Sco fan da la ghitarra acustica ha el perfecziunà sin l'instrument tecnicas da finger-picking ed emprendì da sunar cun accordaziuns avertas, scrivend magari er qua u là ina nova chanzun. Ina da questas preschenta Curdin Brugger uss sco 36avel Top Pop Rumantsch - in pitschen folksong cun melodia simpla ed in bel refrain tshivilà a la moda da Bobby McFerrin. En quest grà tunan er messadi e titel da la chanzun "Fidonza". Il bass ha dal reminent sunà Pascal Gamboni, chaschunond uschia ina pitschna reunificaziun dals Passiunai. D'udir exclusivamain sin Radio Rumantsch.

text, chant, ghitarra e tshivel:	Curdin Brugger
produenziun:	Manfred Zazzi
bass e ghitarra:	Pascal Gamboni
ghitarra electrica:	Severin Brugger
battaria:	Rolf Caflisch



fidonza

té stos mo vai fidonza
tut vegn bien sche té mo craias
astgas vai buna speronza
sén quella via tga té ais

ais engrazieivels pér tut quai tga té as
ais cuntians da tut quai tga té sas

té stos mo vai pazienza
tiams vargia, tiams vegn a mussar
fo schi bien fo begi 'ordlunder ina scienza
libers sas tia via caminar

ais engrazieivels pér tut quai tga té as
ais cuntians da tut quai tga té sas

Top Pop Rumantsch è ina seria da producziuns da musica nova ed actuala, lantschada da RTR Radiotelevisiun Svizra Rumantscha l'onn 2005. Tut ils titels da la seria èn d'udir sin la pagina d'internet da RTR sut:

www.rtr.ch/home/dossiers/actual/Top-Pop-Rumantsch.html

Las emprimas 30 chanzuns èn er disponiblas sin ils disc cumpacts Top Pop Rumantsch vol. 1 & 2 ch'èn da retrair tar: RTR, Via Masans 2, 7002 Cuira.

Dapli infurmaziuns:

Radiotelevisiun Svizra Rumantscha

Jachen Prevost

Tel. 081 255 75 75 / e-Mail: jachen.prevost@rtr.ch